

龍溪縣志卷之六

水利 津梁附

邑以溪名多水泉之利然以視之大江以南具區松婁諸巨浸直澤國一蹄涔耳涓滴之弗均民且爲轍鮒所關顧不鉅哉若夫橋梁爲王政之一巨而彩虹小而畧狝此亦利之大者王鎮江千秋蔡端明萬安豈不與樊惠之渠延世之隄謝傅之埭並傳耶志水利而以津梁附焉

邑面海多鹵田抱山多礮田地形殊而水利亦異有利用導者大而爲溪爲潭爲洋爲港爲浦爲渠小而爲

龍溪縣志

卷之六

水利

一

溝爲圳有利用瀦皆大而爲湖小而爲塘其壅而積之使不洩者爲陂爲埧其築而障之使不侵者爲埭爲岸其因時啓閉使潦有歸而旱有備者爲閘大抵邑北當萬山中墳壤高印田層級而下水自窮巔發源勢若建瓴然霪雨則奔瀉而不留亢暘亦洊混而不竭間有小阜橫截突壤隆起則開溝圳以曲引之此天地自然之利也西自天寶而來地稍平行多藉西溪之水以澤之濁水港漭泱縈抱十餘里至樂仁匯於溪其源則自天寶山而來蓋山泉與溪流利參半也南方勢窪下極溪潭泉港之饒然去海寢近凹

而易泄故築陂設閘較西北爲多由南而東則海孺
矣鹹鹵不可用非有支津交渠以旁注遠達則田皆
棄地宋丁知幾開官港通柳營江之水自文甲至石
美三十餘里漑田二百餘頃後人因而築陂建閘一
時疏鑿之功及萬世矣且鹹鹵非惟不可用又苦潮
齧海水一蕩滌地數載不毛故十一都之岸十有三
二十八都之岸三十有三二十九都之埭十有七多
爲之所以防之而後斥鹵不憂畚插無阻焉夫水滋
稼爲利水不害稼亦爲利此則一邑水利之大凡也
東湖在東門外周千餘畝宋紹興閒郡守劉才邵林安

龍溪縣志

卷之六

水利

二

宅趙汝諧莊夏相繼脩治

今悉爲平田

西湖在郡城西廂發源金山院南流折而東遂瀦爲湖
有泉極甘美可辟瘴癘紹興閒統制陳敏令軍士運

薪木填塞幾平

諺云圓山青西湖平此
地出公卿今悉爲平田

□渠宋紹興閒郡守劉才邵沿浦築渠凡四十所顏師

記今不
詳何處

章公渠在揚名坊圳股橋宋淳祐閒郡守章大任浚塞今

按二湖二渠皆水利之大者今悉夷爲田矣昔人鑿
地以利數里之田後人築田以私一己之利可慨也
宋歐陽永叔作唐書地里志凡渠堰雖廢必書亦以
爲古疏鑿之功不可沒且望於後之濬而復之也舊
志以古蹟茲仍取而列

三相公港在城西水通南溪灌溉田畝

後港在城南明里人林鈺濬築壩於上流以障民居壩今

圮

惠民泉在北門外威惠廟左一在南十二三都詳見後

以上俱四廂

七星潭內楊厝李厝市潭鎮城東門嚴厝巷洪家張家共七潭

下墩尾大潭 天河

四角河 文山前港水由北江入

文山後港水由洋西渡入南接龍滌水又東南行分爲三港其流頗長

龍溪縣志 卷之六 水利 三

福河港 錦江港

雲梯港五港共溉田萬畝 利濟通衢港接潮汐通舟楫

五社港內登第鴻江平林鰲西塔溪共五港 溉田數百畝

文山洋西岸 高洲洋岸

新洲後洋岸 險橋洋岸

福河白蓮塘岸 碧水寺前岸

港尾巷後岸 五埭洋岸

程泥洲岸 泥仔洲岸

官洲洋岸 紫陽洲岸

鎮東新洲岸

按此地與舊志所載稍異緣舊志直錄萬歷至今百四
載之地詢之土著父老或多不能悉蓋萬歷至今百四
十餘年或滄桑易其處或今昔異其名
茲為釐正之據其存而可知者著於篇

以上俱十一都

東溪一名古縣溪

東山溪其源有二一由古縣溪旁出一由馬嶺至東山
合流入上洋港

錦浦溪承古縣達田裡港

草潭源出程溪上流至橫鄉溪靖之民平分此水灌田
官為勒石由和尚橋而下一里餘兩旁草堤狹促水

龍溪縣志

卷之六 水利

四

勢奔湧激滙陷若深潭堅築土圍導引內洋中洋外
洋之水數保上下幾百頃田畝資其灌溉乾隆十八
年夏大水崩陷里人脩築二十四年水漲復傾圮知
縣陶敦和倡築

鴨母潭

上洋港承東山閘達大溪

五房港

田紫新港明里人洪異濬

田裡港

白雲朱子祠
祀洲在此

下尾港

港尾港

宅前港

蓮埔港週四里潮汐往來灌田甚多

下洋港

林敦港設閘截潮灌田明里人顏繼祖建

洪坂港

中為白雲巖渡

水頭港

白雲朱子祠祀洲在此

詩墩港

院前井泉湧出不竭灌田四百餘畝

惠民泉一名北塘在郡城南明成化間知府張瓚浚時

有謠曰泉流既清粒我黎庶張侯之功永賴□世泉

灌十二三都及二十一都田嘉靖二十二年兩都爭

水構訟官建閘分界以均之四十二年知府張鵬重

浚里人楊忱等立碑紀其事

詩墩圳引程溪水灌田官斷顏德貫詩墩二保定以三

龍溪縣志

卷之六

水利

五

七均分由太溪者得水七分由小港者得水三分

鄒塘明知府姜諒浚灌田數百畝

康熙間里民估築爭訟知府魏荔彤公斷

勒石

浯淇塘明知府姜諒浚

陳洋陂

浦西陂又名鼎波從頂溪都湖華坑許坑等處發源滙

流抵陂灌田千餘畝

莒溪陂

瞻軍陂

師姑陂

陳陂

官陂在城南二十里發源九龍嶺灌溉木棉芋園林尾

三保田 國朝乾隆二十三年知縣陶敦和查勘立

碑

吳陂

蔡陂

大壽陂

古溪陂

陸陂

徐陂

梧桐隄在鄭輪保發源程溪灌田千餘畝官斷居上流者不得曲防霸截

路邊開引程溪水由古縣大溪分流入閘以資灌溉乾

隆十一年知縣章璠勒石禁民截流

東山閘乾隆十一年貢生黃益募築

橋亭閘 國朝海澄公黃應纘築

龍溪縣志

卷之六 水利

六

巔仔閘乾隆元年里人公築截潮防旱

以上俱十二三都

濁水港發源天寶山流十餘里南至樂仁滙溪其水常濁

仙溪陂

餉賀陂

竹洋陂

辜洋陂

南豐陂

山溪陂

獨坐陂

康山塘官塘也周九十五畝以滋灌溉後為豪右所佔明萬曆十八年知縣王士昌清復君人蔣孟育為記

今塘復入於民

墨場保石壩長五百七十二丈乾隆二十七年知縣吳宜燮重脩

墨場保水閘康熙閒知縣曹家甲建濶八尺今稍崩圯
以上俱二十一都

建溪一名李林港北溪支流也自李林社前分流南歷
崎下橋又過二十七都響水橋至湘橋社尾西南入

西溪

東溪上承長泰天成水入北溪

浦口港上接蕉山白嶺水入北溪

龍溪縣志

卷之六

水利

七

石龜頭小港上承烏石田邊水入北溪

汐浦港上承鼎山水入北溪

蘇浦港上承二十八都龍巖山水與東溪雙流入汐浦

鄭陂

白銀陂

林陂

長陂一在陳黃講保一在黃柑保

以上俱二十二都

松柑浦灌田百頃

蓬萊港明成化閒知府姜諒浚

大黃陂

陳陂

白衣陂

林角陂

縣陂

董徑陂

黃竹陂

張陂

普通陂

以上俱二十三四都

東港源出北溪華封達千里港與西溪合流

西港通浦頭溪溉田萬餘畝

流岡港

通志作
流世港

東通翁建港接龍江西通東港接南溪

北通長墻儀鳳南通蕉山浦尾溉田數萬畝明成化

間知府張瓚重濬

龍溪縣志

卷之六

水利

八

樸山陂成化間知縣朱琳重脩

王陂

石陂

中陂

北陂

官陂

翰林岸郡人林士章築以障北溪之潦使東八海

以上俱二十六都

西浦潮水與溪水匯灌田十頃餘可通舟楫

鄭公渠在留佩洋宋嘉定間郡倅鄭煥浚

喜心港上承西港南入浦頭溪

天亭港上承市後洋南入浦頭溪

碧湖港上承赤嶺南入西溪

湘橋港上承東港南入西溪

烏坂港上承藍田洋南入西溪

古蓬港上承池宅南入西溪

后吉港上承雲洞南入西溪

浯浦港上通鎮門東入三叉河內有小港上承三板圳

南入本港

上苑港在陳洲灣之上灌田數十畝

福房港

城東港

水口塘在三峯亭後灌田二十頃

龍溪縣志

卷之六 水利

九

梧橋塘

有稅以供雲洞朱子祠之祀

郭坑塘灌田二十餘頃明成化間知府姜諒重濬

喜心港開明嘉靖間里民孫宜忠林遵矩重造

天亭港開 國朝里人黃宏遇脩

碧湖港開 國朝里人黃廷輝脩

古蓬港開

浯浦港開 國朝里人蔡士熊造

以上俱二十七都

官港上通柳營江下通石美長三十里灌田二百餘頃

兩旁帶渠通村塢及海埭宋時進士丁知幾倡建首

尾各設斗門冬月官爲督脩稱官港明洪武二十七年知府王仲謙脩追論知幾開鑿功命祀於白石名興利祠立碑爲記成化閒知府姜諒重脩弘治閒知府汪鳳濬嘉靖閒知府詹瑩復濬萬歷閒知府李載陽知縣沈昌期重脩

州頭洋岸

洋中岸

南汙洋岸

草頭洋岸

內田洋岸

舊溪洋岸

五甲洋岸

百分洋岸

深埭洋岸

新溪洋岸

龍溪縣志

卷之六

水利

十

大埭洋岸

新溪仔洋岸

南葛內洋岸

上洲中洲洋岸

沙白洋岸

南洋仔岸

北葛洋仔岸

外田洋岸

東洲洋岸

新溪八分洋岸

玉洲洋岸

蘇洲洋岸

洲頭上溪洋岸

官埭康港洋岸

郭使洲洋岸

瀛洲新豐洋岸

塘洲庵後洋岸

滄洲洋岸

圍下東山門口店後洋岸

楊洲東洋岸

南邊洋岸

東埭洋岸

新泥洋岸

許茂圍閘 國朝康熙閒里人郭甫峻募建復公建大
陡門新河經洲等閘三十餘所

以上俱二十八都

泗洲洋廣袤各二十里港道流通百十村落環其外西
北屏山東南濱海

官港

詳見上

上舍港北通官港南通溪灌蔡店丁埭等洋田宋咸淳
閒上舍生丁英開築故名

龍溪縣志

卷之六

水利

十一

惠民港半屬龍溪半屬同安從壺巔入口抵新岱紆廻
二十餘里通舟楫

吳陂

楊陂

新陂

新埭有二所明知府姜諒重脩增建斗門

蠓礁埭

海洋埭

東邊埭

西葛新埭

六甲顏埭

壺巔埭

海印埭

茭口埭

直道埭

先峯埭

施埭

周染埭

外埭

石魚埭有巨石鑄泗洋水利通行到此等字諸埭共長一萬五千九百六十四丈各高一丈厚二丈或一丈五尺許

太豐埭在石美之東灌田二百畝

曾府埭在石美壺巔之間灌田五十畝

官港大石閘在石美南門宋里人丁知幾建明里人林魁脩

李厝閘在李厝社通惠民港明知府姜諒造

龍溪縣志

卷之六 水利

十二

石厝閘在石厝社通惠民港明知府姜諒建 國朝乾隆四年里人石玉珍重脩

泗洲舊閘在石美東門

泗洲新閘在石美埭頭明弘治間陳弘球建萬歷間黃仕儼等脩 國朝乾隆十一年里人黃可泰等重脩

壺巔埭閘 國朝乾隆間里人黃可泰脩築

太豐埭閘

曾府埭閘 國朝里人黃如璋脩築

按官港水與泗洲洋新舊二閘相距數丈俱由石美南門入海泗洲洋水源短淺旱則田皆龜拆若於二水滙流處添建閘門引官港之水入泗洲可溉田萬餘畝此萬世無窮之利也

以上俱二十九都

井泉附

天慶觀井在郡城元妙觀前味甘美可辟瘴癘舊傳漳土水熱凡仕宦至者必先及此方得不病

雙龍眼井一在衛前街一在縣前街

開元寺東井在紫芝山左側泉號第一名東泠泉深可十丈今呼東井

巖壇井在城西開元寺右郡城之水西北多甘此井為最又南門溪水亦甘冽橋第二址為最釀者必就取之云與巖泉同

龍溪縣志

卷之六

水利

十三

石眼井在淨衆寺初鑿遇石一夕雷震石裂泉湧出故名

七星井在北門街羅良巷戰處時軍士多死於此今泉雖旱不竭稍涸時以石投之錚錚有聲或云鐵甲坂也上豎石曰七星井

天宮井在城西西湖舊天妃院泉極甘美辟瘴癘

宋蔡襄詩

云漳溪自有佳山水遷客因人作勝遊怪得千峯聳晴巘枯槎百尺擁寒流

井石上鑄寶

慶丁亥重脩六字俗呼湖內井

雙節廟前井在東廂

朝天廟前井一名四穿井在東廂

今被民家以石欄猶存

元壇古井在西廂

驛口井在南門外丹霞山驛路街

金口井在北門外項頭廟前石上刻金口二字泉甚甘美

甘泉井在北廂源出公孝山泉甚甘冽

良岡廟古井在北門城樓外

鈎鍋井在北門外

龍湫井在郡城北門外五里許用土塞滿數日其深如故

造楮井在二十一都一名石水井宋造黃楮於此其旁

龍溪縣志

卷之六 水利

十四

有姜黃亭

八角大井在二十八都白石上園前大數圍深數十丈南有穴通溪可飲數百家

溫泉一在南城址下源通南濠可沿可濯隆冬彌溫其一在二十三都金沙社又三在二十五都熱水社及桃源下樟諸所

津梁

金水橋在開元寺前有亭明知縣鍾宣改建

碩仁橋在上街有亭今亭廢

北橋在北橋街舊曰瑞豐有亭宋嘉定閒燬守鄭昉疊

石脩築增高六尺改名慶豐勒慶豐橋三字於石淳祐閒守章大任剗平築土其上明萬歷閒重建觀音院於橋西改名中清 國朝康熙閒燬里人重脩其亭尙廢

東舖橋在東舖街有亭今亭廢

名第橋卽東橋舊名東清有亭唐元和閒周匡物登第而橋適成故名

天慶觀橋在天慶觀東有亭後廢 國朝雍正十年里人郭元龍重建

西清橋舊名登仙有亭

龍溪縣志

卷之六

水利

十五

以上爲七陰橋

洗馬河橋在常平倉後

丙申橋在海道衙後唐元和丙申建宋淳熙丙申重建

故名

橋上有知府姜諒祠對面有石欄今祠圯欄存有斷碑存申橋二字

西溝橋在西溝池邊

太古橋在東溝池邊

龍眼營橋在城東邊

天妃宮後橋

東閘橋

西閘橋

以上爲八陽橋俱城內

南橋初爲浮橋宋紹興閒造嘉定初守薛揚祖易以石長二十四丈四尺翼以欄因稱薛公橋每大水橋西

田爲巨浸守趙汝諧浚上流沙坂爲港又於橋南築乾橋十間以殺水勢別爲小橋二十四間於乾溪南接以石堤抵於南岸行人便之然潦至激橋堤無所洩則往往漂屋殺人成化十年毀屋千百區屍蔽江而下知府張瓚脩斷橋額曰鎮海自是而後屢衝屢葺萬歷閒知府韓擢別建新橋於水雲館前而南橋以便民不廢也

國朝壬辰乙卯兩燬於寇石梁斷以木易之康熙戊午大水石址亦壞通判胡宮募脩後知府汪世印魏荔彤相繼脩

龍溪縣志

卷之六

水利

十六

按陳北溪謂南橋當水之衝上閉水勢於民居不便亦形勢所忌也古記屢云南橋宜斷或秋汛嚙決石梁則是年甲乙榜必多占數人歷試皆驗然荷水不爲災是利涉者亦豈可廢耶

新橋在水雲館前明知府韓擢建橋二十八間長九丈廣二丈四尺於北建文昌閣南建觀音樓刻文昌橋三字未幾傾圮守道沈一中知縣呂純如袁業泗巡按陸夢祖知府閔夢得先後脩復及袁業泗來知府事復偕知縣計元勛重脩焉 國朝康熙四十六年邑人郭居昌居鼎等仝脩石梁燬者易以太上加灰石填築之翼以扶欄

按宋陳北溪謂水勢至此灣環迴洑可避上流之衝韓守之建橋從陳議也

丁方橋

束開口橋

雙美橋

灞子橋

四板石橋

瀛洲橋原架木為之 國朝乾隆二十六年知府蔣允

焄知縣吳宜燮改砌為石

余使君橋以余使君家在焉故名

柵尾橋昔造船置柵於此故名

埧仔橋與新橋並建 國朝康熙四年里人唐譽募脩

以上俱南廂

打紙橋

回望橋

龍溪縣志

卷之六 津梁

十七

郊野橋俗呼教子橋有亭今廢

七星橋

厚橋

以上俱東廂

安豐橋今廢

相傳郡城西門舊與東門正對門外直衝有橋曰安豐明正德間衛弁移門迤北而

廢橋遂

西清橋在塔街以地有西清宮故名

聚港橋宋邑令陳安節建元至順元年邑饑官設糜於

橋上因呼飯總橋俗訛飯桶橋賑時令饑民從橋頭

跪給有士鄭穆生吳泰履王文奕李灼等耻無禮投

橋下死 國朝乾隆三年重脩

以上俱西廂

雲水橋

灣橋乾隆三年重脩

以上俱北廂

險橋

觀音院前橋

鐵沙橋

國朝乾隆十三年里人林應梅募建

象山橋乾隆十四年建

打竹橋

官洲橋

高厝橋

東山橋

翠林橋

陡門橋

雲梯橋

盧沈橋

港口橋

龍溪縣志

卷之六

津梁

十八

龍海橋初架木爲之 國朝康熙四十年里人鄭之惠

張啓元等募建易以石

按南溪昔從文山南數十折至石碼山北一水細流直下近洪水齧岸遂爲巨浸南溪僅通舟楫而已險橋正當山南自此至龍海昔人爲橋十二後增鐵沙象山二橋酌遠近之宜鄉人便之

以上俱十一都

五音橋

椽林舖前橋 國朝里人郭居昌脩乾隆二十六年圯

於水里民琢石移建

得子橋

尼姑橋

和尚橋

跌馬橋

菴下橋

種德橋

木棉橋明景泰間知府謝騫建

巡檢司橋在九龍嶺 國朝雍正八年里人陳宸綸等

改建

鄒塘橋宋淳熙二年脩

掃箒橋

石亭橋俱明里人顏繼祖建

時並砌石路三十里

古縣橋今廢

浦園橋明里人黃敦慶脩

石門橋

橋頭橋俱里人黃悔齋建

田紫橋明里人顏繼祖建

宅前橋

錦浦橋明里人顏繼祖建

國朝乾隆三年里民洪弼

龍溪縣志

卷之六

津梁

十九

光募脩

以上俱十二三都

西洋平橋明盧長者建

國朝乾隆二十五年僧雲舟

募脩

並脩橋西路

墜馬橋

國朝雍正九年里民沈耀西重脩

養龍橋在茶舖菴前濁水港明嘉靖間里人陳富建國

朝康熙四十三年里人陳彬穆等募脩

市頭橋在天寶市內蓮池

國朝康熙間里民柯千遇

募脩乾隆十七年更造

從安橋在外蓮池

國朝康熙間里人柯千遇募脩

娘子橋

紅橋

龍湖橋 國朝康熙六十一年里人沈耀西倡脩

塔尾橋一名後埔橋明嘉靖萬歷閒里人陳富柯從吾
先後倡脩

南峰橋明洪武閒南山寺僧募造 國朝乾隆二十四
年重脩

亭頭橋一名八坂橋 橫溪橋

蓮花岸橋舊以木為之 國朝乾隆初更造以石共
七間

盧橋在墨場保

龍溪縣志

卷之六

津梁

二十

以上俱二十一都

院後橋長一百三十餘閒明天啓閒里民公建

湯坑橋下有溫泉可浴 浦口港木橋

以上俱二十二都

南平橋 徑頭橋

太平橋 瑞泉功德橋

松州太平橋 浯滄橋

石佛橋 杏林橋

以上俱二十三都

雲水溪橋在二十五都明萬歷閒里民黃宗繼募建里

民黃及華等繼建陳天定爲之記 國朝康熙閒邑人林域脩乾隆閒僧茂山重建

西港橋明洪武六年建有亭今廢

浦西橋 浦南橋元時建

長橋一名流岡橋長四百六十餘閒

赤嶺橋一名崎下橋

東港橋明洪武九年建有亭屢圯於水 國初脩之改

名濟津總督姚啓聖平海復脩更名響水康熙四十

四年知縣曹家甲易木以石作亭其東鄒郡人鄭亦

以上俱二十六都

龍溪縣志

卷之六 津梁

二十一

虎渡橋一名江東橋在柳營江爲郡之寅方因名虎渡

俗傳昔有虎渡江識云虎渡通人行漸漸出公卿

宋紹熙閒守趙伯

邊始作浮梁嘉定閒守莊夏易以木壘石爲址醜水

爲十五道而屋之名通濟嘉熙丁酉燬於火守李韶

捐錢五十萬爲倡里人顏頤仲及故守夏之子夢說

哀成之里人陳正義董其役長二百餘丈梁長八尺

餘橋東西各有亭守黃朴爲之記明洪武閒知府錢古訓正

統閒僉事陳祚知府甘瑛成化閒知府劉瀚正德閒

知府陳洪謨潘旦嘉靖閒知府詹瑩孫裕顧四科同

知龍遂相繼脩建知府唐德砌石爲欄東西爲關二

曰三省通衢曰八閩重鎮 國朝康熙十七年海寇
劉國軒焚燬殆盡十八年總督姚啓聖脩以木梁三
十四年提督施琅易以石四十年郡人藍理重建五
十二年知府魏荔彤脩雍正九年里人郭元龍重脩
郡人蔡世遠爲記 乾隆二十一年橋石中斷巡道楊景素知
縣陶敦和倡捐重建里人王維傑董其事王材爲記

拱石橋

留佩洋橋

通仙橋

通源驛東橋

天亭橋長七丈有奇 國朝里人黃宏遇脩

林節橋長十一丈有奇 國朝里人黃廷輝脩

龍溪縣志

卷之六

津梁

二十二

陳洲橋舊橋一新橋一

以上俱二十七都

東美橋明洪武間里人劉駟建

今橋上蓋屋爲市

烏罍橋明弘治間知府彭桓壘石爲址上跨以石

新埭橋明正德間知府陳洪謨脩長二十三丈又名陳

公橋

木幫橋 國朝康熙間里人郭甫峻建長二十餘丈

以上俱二十八都

龍江橋明天啓間知府袁業泗重建 國朝乾隆間里

人陳茂梅脩

壺巔大橋跨惠民港龍溪同安交界長二十丈翼以欄
壺巔小橋在大橋南俱元僧德霖募建

以上俱二十九都

浦頭渡在東南三里許通廈門海澄石碼各處

鎮頭渡舊為洋西渡 福河渡

石碼渡 碧水寺津

錦江津 俱十都

西渡一名雲英渡在二十二都

蓬萊渡 香洲渡 舊有稅課局

松洲渡 俱二都三四都 西浦渡

龍溪縣志 卷之六 津梁 二十三

碧湖渡

陳洲渡 知縣沈鉉吉以為白雲洞兩處朱子祠祭業

上坂渡 馬岐渡

馬洲渡 俱二都七都 灣頭渡

烏礁渡 俱二都八都

石美渡在二十九都渡口有亭里人黃如璋築以憩行

者